

SARS-COV-2 НИНГ ҲОМИЛАДОРЛАР ҚИН МИКРОБИОЦЕНОЗИГА ТАЪСИРИНИ ЎРГАНИШ НАТИЖАЛАРИ



Насирова Зебинисо Азизовна

Самарқанд давлат тиббиёт университети, Ўзбекистон Республикаси, Самарқанд ш.

ИЗУЧЕНИЕ ВЛИЯНИЯ SARS-COV-2 НА МИКРОБИОЦЕНОЗ ВЛАГАЛИЩА У БЕРЕМЕННЫХ

Насирова Зебинисо Азизовна

Самарканский государственный медицинский университет, Республика Узбекистан, г. Самарканд

STUDYING THE INFLUENCE OF SARS-COV-2 ON VAGINAL MICROBIOCENOSIS IN PREGNANT WOMEN

Nasirova Zebiniso Azizovna

Samarkand State Medical University, Republic of Uzbekistan, Samarkand

e-mail: info@sammu.uz

Резюме. Мазкур тадқиқот ишида биз SARS-COV-2 ўтказган ҳомиладор аёлларда қин микробиотасининг бузилиши ҳолатларини таҳлил этдик. Ҳозирги вақтда ҳомиладор аёлларда инфекцион-ялигланишили касалликлар учраши ҳолатларининг пасайши тенденцияси кузатилмаяпти. Мазкур тадқиқотни бажарши жараёнида ҳал этиладиган вазифалардан бири бўлиб, SARS-COV-2 ўтказган ҳомиладор аёлларда туғруқ йўллари микробиотасининг ҳолати ва кузатиладиган асоратларнинг ривожланиши орасидаги корреляцион боғлиқликни аниқлаши бўлди. Шу муносабат билан, COVID-19 ўтказган ҳомиладор аёлларда туғруқ йўллари микробиота ҳолати ва инфекцион асоратлар ривожланишини ўрганиши мухим аҳамият касб этади.

Калим сўзлар: SARS-COV-2, микробиота, асоратлар, ҳомиладорлик, инфекция.

Abstract. In this work, we analyzed the frequency of violations of the vaginal microbiota in women who had a new coronavirus infection SARS-COV-2. Currently, the frequency of infectious and inflammatory diseases in gynecology does not tend to decrease. One of the tasks solved in the course of this study was to identify a correlation between the state of the microbiota of the birth canal and the development of vaginal complications in women who had a new coronavirus infection SARS-COV-2. In this regard, many questions have arisen about the impact of infection on various body systems, including the microbiota of the vagina of pregnant women.

Keywords: SARS-COV-2, microbiota, complications, pregnancy, infection.

Кириш. Бугунги кунда COVID-19 бутун дунё бўйлаб миллионлаб одамларга, шу жумладан ҳомиладор аёлларга таъсир қилган глобал муаммога айланди. Бутун ахолидан фарқли ўлароқ, ҳомиладор аёллар ҳомиладорлик даврида барча органлар ва тизимларнинг функциясини ўзgartирадиган уникал "иммунологик" ҳолати натижасида вирусли инфекция хавфи сезиларли даражада юқори бўлган маҳсус гурухни ташкил қиласи (1, 6). Шу муносабат билан, COVID-19 ўтказган ҳомиладор аёлларда туғруқ йўллари микробиота ҳолати ва инфекцион асоратлар ривожланишини ўрганиш мухим аҳамият касб этади (4,5,7). COVID-19 ёки SARS CoV-2 инфекцияси –ўта тез тарқалиши ва касаллик ҳолатининг антика кечиши туфайли кўпгина

чалкашликларни ва ноаникликларни келтириб чиқарди (3,7). Ҳомиладор аёллар учун ҳам оғриқли бўлган Covid-19 кўплаб муҳокамаларга ва сон-саноқсиз тахминларга сабаб бўлди. Мазкур ҳолат шунинг учун рўй бердики, ҳомиладор аёлларнинг иммун тизими ҳолати ҳомиладор бўлмаган аёлларга қараганда кучсизроқ бўлса-да, ҳомиладор аёлларнинг Covid-19га юқори чидамлилиги кўпгина тадқиқотчilar учун мантиқка мос келмайдиган ҳолат бўлди (2,8).

Шуни тан олиш керакки, янги коронавирус инфекциясининг тарқалиши, Covid-19 вирусининг инсон организмига бўлган таъсири, ҳомиладор аёлларда гестация муддатига қараб олиб келадиган асоратлари, микробиота ҳолатига таъсири кўпгина мунозараларга сабаб бўлмоқда.

Юқорида айтилғанларнинг барчаси янги коронавирус инфекцияси SARS-COV-2 нинг ҳомиладорлар қин микробиотасига таъсирини ўрганиш заруриятини белгилайди.

Тадқиқот мақсади. Янги коронавирус инфекцияси SARS-COV-2 нинг ҳомиладорлар гениталий микробиотаси хусусиятларига таъсирини ўрганишдан иборат.

Тадқиқот материаллари ва усуслари. Янги коронавирус инфекцияси SARS-COV-2 ўтказган ҳомиладор аёлларда қин микробиотасини ўрганиш мақсадида Самарқанд шаҳар 2-сон турғуқхонасида проспектив тадқиқот ўтказилди. Тадқиқот обьекти - ёши 22 ёшдан 40 ёшгача бўлган Самарқанд шаҳрида истеъкомат қилувчи 38 нафар янги коронавирус инфекцияси SARS-COV-2 ўтказган ҳомиладор аёллар бўлиб (асосий гурух), назорат гурухини 35 та SARS-COV-2 билан касалланмаган ҳомиладор аёллар ташкил қилди.

Қин ажралмасини культурал текшириш учун материал цервикал каналдан стерил пахтали тампон билан олинган ва уни транспортли муҳитга жойлаштирилган. Бактериологик текширув анъанавий схемада амалга оширилган: цервикал каналдан тадқиқот материалини олиш, озиқ муҳитларга экиш, тоза культуруни ажратиш ва микроорганизмларнинг ажратилган культуруларини идентификация қилиш. Анаэроб микрофлорани аниқлаш максадида микроанаэростат ёрдамида микроорганизмларни культивация қилиш усули кўлланилган.

Текширилаётган материалда шартли-патоген бактериялар учун >104 , замбуруғлар учун >103 КОЕ/мл кўрсаткичлар диагностик титр бўлиб ҳисобланади. Лабораторияга 1-2 кун мобайнида олиб келинган материал қуйидаги микроорганизм гурухларига текширилган: аэроблар ва факультатив анаэроблар, ачитқисимон замбуруғлар. Микроорганизмларнинг турли гурухларини аниқлаш учун озиқ муҳитларга экилган: бруцеллёзли агар асосида витаминли ўсиш омилларини қўшган ҳолда конли агар (анаэробларни ажратиш учун), маннит – тузли агар (стафилококларни ажратиш учун), Сабуро муҳити (замбуруғларни ажратиш учун). Конли агарли муҳитлар карбонат ангидриднинг кўп миқдори (5-10%) билан бирга термостатда культивация қилинган.

Ажратилган микроорганизмларнинг идентификацияси компьютер дастурларидан фойдалнган ҳолда бактериологик анализатор ёрдамида бажарилган. Ажратилган микроорганизмларнинг сони агарли косачалар секторида ўсиш зичлиги бўйича баҳоланган.

Тадқиқот маълумотларини талқин қилиш 1-жадвалда кўрсатилган қийматларга мувофиқ амалга оширилди.

Натижалар. Аёллар ёши иккала гуруҳда 18 ёшдан 40 ёшгача бўлган. 1-гуруҳда ўртacha ёш $29,6 \pm 1,2$ ёш, иккинчи гуруҳда $28,3 \pm 1,3$ ёш бўлган. Барча аёллар Самарқанд вилоятидан бўлишган. Улардан аксарияти (61,9%) ўрта маҳсус маълумотга эга бўлиб, 33,5% олий маълумотли ва 4,6%и ўрта маълумотли бўлган.


Жадвал 1. Бактериологик тадқиқот кўрсаткичларини талқин қилиш

Кўрсатгич	Изоҳ
«Салбий»	Натижа салбий, микрофлоранинг ўсиши йук
$\leq 10^2$ КОЕ Сапрофит микрофлора	Натижа салбий, патоген микрофлора ажратилмаган
$\geq 10^2$ КОЕ Шартли патоген микрофлора	Натижа ижобий, антибиотик терапияси бўйича тавсиялар берилди

- кам ўсиши - 10^2
- ўртacha ўсиши - 10^3
- кўп ўсиши $\geq 10^4$

Жадвал 2. Гурухларда учраган гинекологик касалликлар

Касалликлар	1-гурух (n = 38)		Назорат гурухи (n = 35)	
	Абс. рақам	%	Абс. ракам	%
Жинсий органларнинг яллигланиш касалликлари	4	10,5	3	8,6
Бачадон бўйни касалликлари	2	5,3	2	5,7
Норегуляр менструал цикл	2	5,3	3	8,6
Эндометриял гиперпластик жараёнлар	1	2,6	2	5,7
Анамнезида сунъий аборт	6	15,8	11	31,4
Ўз-ўзидан буладиган аборт	2	5,3	2	5,7



Расм 1. Текширилаётган аёлларни бактериологик текшириш натижалари
(*Lactobacillus spp.* титрда $> 10^7$)

Жадвал 3. Текширилган аёлларда бактериологик текшириш натижалари

Патоген тури	Концентрация	Асосий гурух	Назорат гурухи
Staphylococcus spp.	$\leq 10^4$	2 (5,3%)	1 (2,9%)
	$> 10^4$	4 (10,5%)	-
Streptococcus spp.	$\leq 10^4$	-	-
	$> 10^4$	-	-
Ent. Faecalis	$\leq 10^4$	-	1(2,9%)
	$> 10^4$	1 (2,6%)	1 (2,9%)
Enterobacteriaceae spp.	$\leq 10^4$	2 (5,3%)	-
	$> 10^4$	1 (2.6%)	1(2,9%)
E.coli	$\leq 10^4$	-	-
	$> 10^4$	-	1(2,9%)
C. albicans	$\leq 10^4$	1(2,6%)	4(11,42%)*
	$> 10^4$	11 (28,9%)	4(11,42%)*
Klebsiella spp.	$\leq 10^4$	-	1(2,9%)
	$> 10^4$	-	-
G.vaginalis	$\leq 10^4$	-	-
	$> 10^4$	2 (5,3%)	2 (5,8%)

Изоҳ. *- гурӯҳлар орасидаги ишончли фарқ

COVID-19 билан касалланган ҳомиладор аёллар гурӯҳидан 17 нафар (44,7%) аёл илгари гинекологик касаллик билан оғриган. Ушбу аёлларнинг анамнезида жинсий органларнинг яллиғланиш касалликлари 10,5% ҳолатда, сунъий abortion 15,8% ҳолатда ва 5,3% ҳолатда ҳайз циклининг бузилиши, бачадон бўйни касалликлари ва ўз-ўзидан буладиган abortion қайд этилган.

Текширилган аёлларнинг соматик касалликлар бўйича саломатлик индекси нисбатан қоникарли бўлган. Шундай қилиб, биз кузатган иккала гурӯх аёлларининг клиник тавсифи

контингентнинг бир хиллиги хақида далолат беради.

COVID-19 билан касалланган ҳомиладор аёллар жинсий аъзоларнинг инфекцион-яллиғланишли касалликларини бирламчи аниқлаш таҳлили шуни кўрсатдики, вульвовагинал кандидоз, бактериал вагиноз, кичик чаноқ аъзоларининг яллиғланишли бўлмаган патология ҳолатлари қайд этилган. 1-расмда асосий ва назорат гурӯҳларидаги аёлларда *Lactobacillus spp.* ни бактериологик текшириш натижалари келтирилган.

1-расмда келтирилган маълумотларга кўра, COVID-19 ўтказган ҳомиладор аёлларда

Lactobacillus spp. нинг анчагина камайиши қайд этилган ($p<0,05$).

Цервикал каналдан олинган материални бактериологик текшируvida деярли барча аёлларда полимикроби тасвир аниқланган. Микроорганизмларнинг ассоциацияси асосан шартли патоген микроорганизмларнинг турли бирикмалари билан намоён бўлган.

Турли микроорганизмлар ва уларнинг бактериологик текширувдаги концентрацияларини аниқлаш холатлари ҳақидаги маълумотлар 3-жадвалда келтирилган.

3-жадвалда келтирилганлардан кўриниб турибдики, COVID-19 билан касалланган ҳомиладор аёллар инфекцион яллиғланиш касалликларига кўпроқ мойил бўлишади.

Текширилган асосий гурух аёлларда *Candida albicans* 5,3% ҳолатда ва назорат гурухида 11,4% ҳолатда кузатилди. Ушбу ҳолат ҳомиладор аёлларда SARS-CoV-2нинг таъсири натижасида иммун тизимининг сустлашуvida юзага келган, деб айтишимиз мумкин.

Жадвал маълумотларига кўра, иккала гурухда шартли-патоген микрофлора Ent. Faecalis, Enterobacteriaceae spp. ва E. Coli $>10^4$ концентрацияда ўсиши, деярли бир хилда учраши қайд этилади.

3-жадвалда келтирилган бактериологик текширув маълумотларига кўра, COVID-19 билан касалланган ҳомиладор аёллар шартли-патоген флора - *C. albicans* яққол ўсишини инобатга олиб, ҳомиладорлик вақтида ва тугруқдан кейинги даврда асоратлар ривожланишини олдини олишимиз зарур, ва бу тадқиқотимиз натижалари Кравченко Е. Н. ва бошқалар тадқиқот натижалари билан мос тушади (2021 й). Патологик флора аниқланганда тегишли давони олиб бориш тавсия этилади.

Мухокама. COVID-19 билан касалланган ҳомиладор аёлларда кичик чаноқ аъзоларининг инфекцион-яллиғланишли касалликлари мураккаб ва етарлича ўрганилмаган муаммо бўлиб, у бутун дунёда жиддий бўлган тиббий, ижтимоий ва иқтисодий оқибатларни келтириб чиқаради.

Юқорида айтилганлардан келиб чиқиб, шуни таъкидлаш мумкинки, йирингли-септик касалликлар ҳозирги кунда жиддий тиббий-ижтимоий муаммо бўлиб хисобланади. Касалланиш паст ижтимоий-иқтисодий статус, соматик касалликлар, сунъий аборт муолажаларининг кечиши хусусиятлари, операцияни ўтказиш хусусиятлари сингари кўпгина омиллар хисобига хамда COVID-19 таъсири натижасида юқори даражадалигича қолмоқда, ушбу фикрларни Schwartz D. A., Graham A. L. (2020 й) каби тадқиқотчилар ҳам беришмоқда.

Шу туфайли янги коронавирус инфекцияси SARS-CoV-2 нинг ҳомиладорлар гениталий микробиотаси хусусиятларига таъсирини ўрганишдан йирингли-септик асоратларнинг эҳтимолий ривожланишини тўлақонли баҳолаш

учун асосий ва назорат гурухларидаги аёлларни фаол динамик кузатуви амалга оширилган.

Мазкур тадқиқот Самарқанд шахар 2-сон тугруқхонаси шароитида бажарилган ва ўзида лаборатор-инструментал усусларни мужассам этган. Лаборатор текшируви (умумий қабул қилинганлардан ташқари) гениталийлар микробиотаси пейзажининг бактериологик текширувни ўз ичига олган, чунки янги коронавирус инфекцияси SARS-CoV-2 нинг ҳомиладорлар гениталий микробиотаси хусусиятларига таъсири ўрганилмаган. Бу ҳал этилмаган вазифалар кейинги ўрганиш ва батафсил босқичма-босқич ишлаб чиқиши талаб этадиган ушбу илмий тадқиқотни олиб бориш учун турткни бўлди.

Ҳомиладор аёллар учун тугруқдан кейинги эндоремит ривожланишининг юқори инфекцион хавфи мавжуд бўлганда, ушбу асоратларни олдини олиш мухим аҳамият касб этади.

Шундай қилиб, янги коронавирус инфекцияси SARS-CoV-2 нинг ҳомиладорлар гениталий микробиотасига таъсири, COVID-19 ўтказган ҳомиладор аёлларда *Lactobacillus* spp. нинг анчагина камайиши ва бунинг натижасида шартли-патоген флора - *C. albicans* яққол ўсишини инобатга олиб, ҳомиладорлик вақтида ва тугруқдан кейинги даврда асоратлар ривожланишини олдини олишимиз зарур, ва бу тадқиқотимиз натижалари Кравченко Е. Н. ва бошқалар тадқиқот натижалари билан мос тушади (2021 й). Патологик флора аниқланганда тегишли давони олиб бориш тавсия этилади.

Хотима. Текширишимиз натижаси SARS-CoV-2 билан касалланган ҳомиладор аёлларда қин микробиотасининг ўзгариши кузатилиши аниқланди. Бундан хулоса қилиб, шуни айтиш мумкинки, SARS-CoV-2 билан касалланган аёлларда иммун тизимини қўтариш ва қин микробиота ҳолатини коррекция қилиш катта аҳамият касб этади, шундагина ҳомиладорлик ва тугруқ вақтида юзага келадиган асоратлар олдини олиш мумкин бўлади. SARS-CoV-2 билан касалланган ҳомиладор аёллар жинсий аъзолар биоценози лактобацилларнинг $10^7 - 10^8$ КОЕ/мл камайиши билан тавсифланади.

Шундай қилиб, SARS-CoV-2 билан касалланган ҳомиладор аёлларда лактобацилла концентрацияси пасайиши ва шартли патоген микрофлора вакилларининг ошиши кузатилган. Меъёрдаги микрофлора вакилларининг бундай ўзгаришлари SARS-CoV-2 ва маълум даражада организмнинг ҳимоя кучлари пасайишига боғлиқ. Бундан ташқари вируснинг ўзи ҳам ҳомиладор аёллар қин микробиотасига таъсири қиласи.

Хулоса: Шундай қилиб, янги коронавирус инфекцияси SARS-CoV-2 нинг ҳомиладорлар қин микробиотасига таъсири кам ўрганилган муаммолардан бири бўлиб, яна тадқиқотлар

ұтказиши, асоратлар ривожланишини олдини олиш ва даволаш мүолажаларини ишлаб чикишиңи тақозо қиласы. Лактобациллаларнинг камайиши шартли микрофлоранинг ўсишини таъминлайды.

Адабиётлар:

1. Белкина Т. В. и др. Микробиом кишечника человека и иммунная система: роль пробиотиков в формировании иммунобиологического потенциала, препятствующего развитию инфекции COVID-19 //Успехи современной биологии. – 2020. – Т. 140. – №. 6. – С. 523-539.
2. Кравченко Е. Н. и др. Опыт применения препарата Метрогил Плюс у беременных с вульвовагинальным кандидозом и новой коронавирусной инфекцией COVID-19 //Доктор. Ру. – 2021. – Т. 20. – №. 1. – С. 68-72.
3. Ezechukwu H. C. et al. Lung microbiota dysbiosis and the implications of SARS-CoV-2 infection in pregnancy //Therapeutic Advances in Infectious Disease. – 2021. – Т. 8. – С. 20499361211032453.
4. Celik E. et al. Alterations in Vaginal Microbiota among Pregnant Women with COVID-19 (preprint). – 2021.
5. Leftwich H. K. et al. Impact of SARS-CoV-2 on the microbiota of pregnant women and their infants //medRxiv. – 2022. – С. 2022.11. 01.22281810.
6. Punchenko O. E., Bereznitskaya E. A., Ermolenko E. I. Female genital microbiota: health, pathology, ways of correction //Obstetrics and Gynecology. – 2021. – №. 3. – С. 18-24.

7. Schwartz D. A., Graham A. L. Potential maternal and infant outcomes from coronavirus 2019-nCoV (SARS-CoV-2) infecting pregnant women: lessons from SARS, MERS, and other human coronavirus infections //Viruses. – 2020. – Т. 12. – №. 2. – С. 194.

8. Trombetta A. et al. Sars-cov-2 infection and inflammatory response in a twin pregnancy //International Journal of Environmental Research and Public Health. – 2021. – Т. 18. – №. 6. – С. 3075.

ИЗУЧЕНИЕ ВЛИЯНИЯ SARS-COV-2 НА МИКРОБИОЦЕНОЗ ВЛАГАЛИЩА У БЕРЕМЕННЫХ

Насирова З.А.

Резюме. В этой работе мы проанализировали частоту нарушений микробиоты влагалища у женщин, перенесших новую коронавирусную инфекцию SARS-COV-2. В настоящее время частота инфекционно-воспалительных заболеваний в гинекологии не имеет тенденции к снижению. Одной из задач, решаемых в процессе выполнения настоящего исследования, являлось выявить корреляционную зависимость между состоянием микробиоты родовых путей и развитием осложнений влагалища у женщин, перенесших новую коронавирусную инфекцию SARS-COV-2. В связи с этим возникло множество вопросов о влиянии инфекции на различные системы организма, включая микробиоту влагалища беременных.

Ключевые слова: SARS-COV-2, микробиота, осложнения, беременность, инфекция.